



REPUBLIKA E SHQIPËRISË  
MINISTRIA E ARSIMIT DHE SPORTIT

**THIRRJE PËR SHPREHJE INTERESI  
PËR VEND TË LIRË PUNE  
PËR KRYETARIN E SEKRETARIATIT NË KUADËR TË VEPRIMTARISË SË  
MBAJTJES SË SEKRETARIATIT TË “BOLOGNA FOLLOW UP GROUP”  
NGA REPUBLIKA E SHQIPËRISË**

Bazuar në vendimin nr. 1163, datë 24.12.2020 të Këshillit të Ministrave “Për ngritjen e Sekretariatit në kuadër të veprimtarisë së mbajtjes së Sekretariatit të “*Bologna Follow Up Group*” nga Republika e Shqipërisë”, Ministria e Arsimit dhe Sportit (MAS) shpall thirrjen për vend të lirë pune.

Ju mund të aplikoni gjatë periudhës 08.11.2021 deri në 10.11.2021, për pozicionin e Kryetarit të Sekretariatit të BFUG-së duke dërguar jetëshkrimin tuaj (CV) dhe një letër motivimi, në të cilën të shprehet qartë angazhimi dhe motivimi juaj për pozicionin përkatës. Dokumentet e kërkuara - të nënshkruara - të dërgohen me postë për Ministrinë e Arsimit dhe Sportit, në adresën: Rruga e Durrësit, nr. 23, AL 1001, Tiranë dhe në formë elektronike (pdf.) në adresën [info@arsimi.gov.al](mailto:info@arsimi.gov.al)

**Hyrje:**

Republika e Shqipërisë ka marrë të drejtën e mbajtjes së Sekretariatit të BFUG-së, ku Ministria e Arsimit dhe Sportit (MAS) është përgjegjëse për organizimin e takimeve mbështetëse të një natyre teknike, administrative dhe menaxheriale gjatë viteve 2021-2024, duke përfunduar me organizimin e Konferencës së Ministrave të Hapësirës Evropiane të Arsimit të Lartë (EHEA), si dhe mbështetje për organizimin e takimeve të ndërmjetme përkatëse në Shqipëri në vitin 2024. Në të njëjtën kohë, Komisioni Evropian ka dhënë një grant mbështetës për këtë qëllim.

Qëllimi parësor i veprimtarisë së Sekretariatit është të sigurojë mbështetjen asnjëse për konsolidimin e mëtejshëm të Zonës Evropiane të Arsimit të Lartë (ZEAL) nën autoritetin e “Bologna Follow Up Group” në vijim (BFUG) dhe të koordinojë veprimet që ndërmerren në rang ndërkombëtar me planin e punës së BFUG-së dhe veprimtarinë e Grupit shqiptar të punës në mbështetje të BFUG-së gjatë periudhës së mbajtjes së Sekretariatit nga Republika e Shqipërisë.

MAS, duke marrë në konsideratë pamundësinë e mbulimit të të gjitha detyrave profesionale të kërkuara me personel të brendshëm, gjithashtu duke marrë parasysh fushën e specializuar të referimit, synon të përdorë mbështetjen e profesionistëve të specializuar për realizimin e aktiviteteve në lidhje me zbatimin e ndërhyrjeve të përmendura, duke ngritur dhe një strukturë të përkohshme organizative për Sekretariatit të BFUG-së, në bazë të vendimit nr.1163, datë 24.12.2020 të Këshillit të Ministrave “Për

ngritjen e Sekretariatit në kuadër të veprimtarisë së mbajtjes së Sekretariatit të Bologna Follow Up Group nga Republika e Shqipërisë”.

Koha e zbatimit, në bazë të procedurave të lartpërmendura, të pasojave institucionale dhe metodave organizative përkatëse, kërkon që mbështetja teknike të sigurohet në një kohë të shkurtër dhe me urgjencë maksimale. Prandaj konsiderohet të fillohet kjo procedurë përzgjedhëse.

### **Profili i kërkuar dhe kriteret:**

Kjo thirrje për shprehje interesi synon të ftojë për aplikim të gjithë kandidatët që plotësojnë kriteret dhe shprehin interesin për kryetarin e Sekretariatit të “Bologna Follow Up Group”. Vlerësimi i kandidatëve për këtë pozicion do të bëhet mbi bazën e kualifikimeve të secilit kandidat, të deklaruara në jetëshkrim (Curriculum Vitae CV) dhe në bazë të rezultateve nga intervista. Intervista njohëse do të synojë marrjen e informacionit mbi përvojën aktuale dhe profesionalizmit të pasqyruar në CV, si dhe motivimin dhe vullnetin për të fituar pozicionin e punës. Në intervistë do të ftohen të gjithë kandidatët.

### **Kriteret e përgjithshme për profilin: Kryetar i Sekretariatit të BFUG-së**

Kryetari i Sekretariatit të BFUG-së do të jetë një ekspert në fushën e arsimit të lartë që do të garantojë drejtimin e pjesës teknike-koordinuese, referuar të gjithë iniciativës, koordinimit të përgjithshëm të punës së Sekretariatit të BFUG-së. Ndër të tjera do të kujdeset për aspektet që lidhen me marrëdhëniet me bashkëpunëtorët institucionalë dhe jo-institucionalë të përfshirë në të gjithë elementët e projektit lidhur me mbajtjen e Sekretariatit të BFUG-së nga Republika e Shqipërisë.

Kryetari i Sekretariatit duhet të plotësojë kriteret si më poshtë:

- Të zotërojë të paktën diplomë të ciklit të dytë të studimeve ose diplomë të barasvlershme me të (diploma e përfutur për studime jashtë Republikës së Shqipërisë duhet të jetë e njohur dhe njehsuar sipas legjislacionit në fuqi).
- Të ketë të paktën 15 vite eksperiencë pune, nga ku 5 vite të jenë përvojë në administratë ose institucionet e arsimit të lartë.
- Të ketë të paktën 2 vite eksperiencë në pozicione drejtuese të institucioneve, strukturave apo projekte kombëtare ose ndërkombëtare.
- Të ketë njohuri të shkëlqyera të gjuhës angleze ose të ketë përfunduar një program studimi në gjuhën angleze.

Për të gjitha kriteret e përcaktuara në këtë njoftim sigurohet një qasje e barabartë, duke respektuar barazinë gjinore, fetare, ideore, kulturore dhe çdo karakteristikë tjetër personale. Në këtë thirrje do të promovohet transparenca dhe etika në kryerjen e aktiviteteve nga profesionistët dhe ekspertët, të cilët duhet të respektojnë Kodin e Etikës dhe legjislacionin në fuqi.